



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Externis Regulis Amoris Et Morum, Legibus Utique, ac Praeceptis
Virtutum Theologicarum, & Cardinalium, necnon Decalogi & Ecclesiae -
Libros Vndecim Complectens

**Henricus, de Sancto Ignatio
Leodii, 1709**

Caput XX. Hæreticorum libri prohibiti.

[urn:nbn:de:hbz:466:1-73203](#)

consentiarunt, sed mori malent, quād Ecclesiae iudicio voluntariē contradicere, vel Ecclesiae definitionem voluntariē in dubium revocare. Iste proinde non agunt, sed patiuntur quamdam velut dubitationem, seu potius tentationem contra fidem. Nec importunas ejusmodi tentationes, contra eas disputando, refellere debent, vel contraria actibus repellere; sed contempnere, ne tentatio (ex adverso impugnata) menti amplius figuratur, quae contemptu & neglectu citius evanescit.

265 Si tamen tentatio, animum pulsans, fidem etiam concutiat, & dubitationes veluti semivoluntarias, ob infirmi animi debilitatem, extorqueat; imitari debent eum qui Marci 9. dicunt: *Credo Domine, adjuva incredulitatem meam.* Exoratoque divino auxilio, remedium illud ipsis opportunum erit, quod Patres spirituales suggerunt, & cum illis Contensonus to. 4. disert. 2. c. 2. coroll. 3. Vel enim de Catholica religione, in generali, dubium obrepit, vel de articulo aliquo in speciali. Si in generali, revocanda est in mentem praeclara motivorum credibilitatis harmonia, & protinus nubilum omne diffugiet. Tam enim credibilia sunt, ut nihil humanā fide tam credibile sit, quād motiva illa, omnisque alia religio, nostræ contraria, omnibus credibilitatis motivis destituta, ridicula, fabulosaque meritò censeatur. Si dubium obrepit de aliquo articulo in speciali, hac ratione exsuffrandum est: Si Ecclesia Catholica credo ob tam praeclara signa credibilitatis, quas mihi persuadent ipsam esse veram Ecclesiam: illum ergo articulum in dubium revocare non possum: cūm frustra vera Ecclesia eredat, qui aliquem articulum ab ipso propositum in dubium revocat. Si enim Ecclesia vera est, infallibilis est, dicente Domino, quod portæ inferi adversus eam prevalere non possunt. Dicente etiam Apostolo, quod Ecclesia vera *columna est & firmamentum veritatis.* Quod ergo ipsa proponit credendum, revocare non licet in dubium.

C A P U T X I X.

Pœna hereticorum.

266 **D**Uplices sunt, temporales scilicet & spirituales. Utrasque breviter recensembo. Temporales sunt, 1^a. pœna mortis. 2^a. confiscatio bonorum. 3^a. incapacitas ad publica officia obtainenda. 4^a. privatio iurisdictionis temporalis, & absolutio subditorum à debito fidelitatis ipsis promissæ. Sic enim quoad pœnam mortis, & confiscationis declaratur per varias leges Imperiales, & per varios Canones quoad reliquias.

267 Pœna spirituales sunt, 1^a. excommunicatione major, Suæ Sanctitati per Bullam Cœnæ Tom. II.

reservata. 2^a. privatio Ecclesiastice sepulturae. 3^a. irregularitas. 4^a. privatio omnis jurisdictionis Ecclesiastice. 5^a. inhabilitas ad omnia beneficia. 6^a. privatio omnium dignitatum, honorum, beneficiorum, & officiorum Ecclesiasticorum. 7^a. infamia juris. Omnes etiam pœna ista flatuuntur in variis Canonibus, quos causâ brevitatis omitted. Sicut ab heresi, sic à censuris & pœnis istis solus Pontifex, & quibus ipse facultatem ad id concessit, absolvere posunt.

Facultatem quidem illam Gregorius XIII. 268 ad instantiam Philippi II. Regis Catholici, anno 1576. Episcopis Belgii concessit, etiam absolvendi ab heresi manifestata, etiam post relapsum, sicut & facultatem absolvendi ab omnibus aliis casibus Papæ reservatis, etiam in Bulla Cœnæ; ipsis quoque concessit, quod eamdem facultatem cuicunque idoneo Sacerdoti delegare possent, donec (inquit Pontifex) ac quoque Germania inferior in pristina Regis Philippi obedientia plenaria restituta esset, uti videtur est in Bulla *nuper subinde.*

Sed quæ situr nūm facultas illa etiamnum duret, cūm Rex Catholicus cesserit juri quod habebat in provincias hereticas? Affirmant nonnulli, tum quia clausula illa *donec, &c.* necdum impleta est, cūm Germania inferior necdum plenaria sit sub potestate Regis Catholici. Tum quia ratio dictæ concessionis adhuc perseverat: siquidem facultas illa concessa fuit, ob frequentiam vicinorum hereticorum in Belgio Catholico, quæ tantò hodie major est, quantò maior, & liberior communicatio hereticorum cum Catholicis, à quibus plerique in dies ad fidem reducuntur.

Alii tamen non sine fundamento negant. 270 Cūm cessare videatur finis istius concessionis. Et idc ad tollendum omne dubium, Episcopi Belgii in litteris sue confirmationis, dictam facultatem à Sede Apostolica accipere solent, vel etiam specialiter obtinere. Quæ ipsis etiam, ex rationabiliter præsumpta Pontificis voluntate, per accidens competit, in casu moralis impossibilitatis ad eundem Pontificem, ratione sexus, paupertatis, infirmitatis, &c.

C A P U T X X.

Hæreticorum libri prohibiti.

Ed & in pœnam, confusionemque hereticorum, sicut & ad impediendum nocummentum fidelium, libri hereticorum hæresim continent, vel de religione tractantes, legi, imprimi, retineri prohibentur sub pœna excommunicationis, Pontifici reservata in Bulla Cœnæ. Libri (inquam) hereticorum. Neque enim prohibiti sunt libri Ethniconum, Mahometanorum, Judæorum, &c. Posuntque Episcopi Belgii, prohibi-

B

tione illâ non obstante, libros hæreticorum legere, utpote hæretica pravitatis Inquisitores ex officio, ubi Inquisitionis officium non est institutum, prout in Belgio.

272 Sixtus quoque V. in Bulla *cals & terra* 7. sub excommunicatione latæ sententia, Papæ reservatâ, prohibet libros Astrologie judicariæ, id est divinationis futurorum, ab humana libertate dependentium, praepiens ut contra scienter legentes, aut retinentes libros & scripta hujusmodi, Inquisitores procedant.

273 Præterea Clemens VIII. in Indice librorum prohibitorum, sub eadem excommunicatione, non tamen reservatâ, prohibet legere, vel retinere quoscumque libros Hæretiarum, licet de religione non tractent. Aliorum vero hæreticorum libros, qui de religione non tractant, regula 2^a. Indicis permittit legi, & retineri à Theologis, dummodo ius tu Episcoporum, vel Inquisitorum examinati, & probati fuerint; prohibentur tamen usquedum taliter examinati fuerint, & approbati. Contra quam prohibitionem faciens, incidit in excommunicationem non reservatam, latam in regula 10^a. Indicis; ubi etiam excommunicantur legentes, vel retinentes scripta cuiuscumque Authoris, prohibita ob hæresim, vel falsi dogmatis suspicionem. Legens verò libros prohibitos aliam ob causam, quam ob hæresim, vel suspicionem falsi dogmatis, peccat quidem mortaliter, sed non est excommunicatus, ut ex eadem regula 10^a. ostendit Sylvius.

274 Cæterum licet Clemens VIII. sub excommunicatione non reservata, prohibuerit libros Authorum de hæresi suspectorum, Magorum, & Catholicorum expurgatione indigentes, ob admixtionem falsorum dogmatum, donec authoritate Episcoporum, vel Inquisitorum expurgentur. Hos tamen libros Layman dicit non esse prohibitos, antequam in Indicem specialiter relati sint. Et addit, Romanum Indicem, quoad prohibitonem librorum secundæ classis, in Germania receptum non esse. Quare attendi debet, quoisque prohibitiones illarum usu receptas sint in Provinciis. Libros certè Caroli Molinæi, de jure & justitia tractantes, tametsi usque adeo prohibitos in Bulla Cœnæ, ut à Romanis Pontificibus specialiter excipi soleant, dum libros prohibitos legendi facultatem concedunt; nihilominus omnes passim Juristiæ in Belgio retinent ac legunt. An lictè? Bertrandus Loth in tractatu suo de causib. Belgicis affirmit. Ego alias judicium relinquo.

275 De antedictis Catholicorum libris prohibitis, donec expurgentur, Marchantius, & Diana p. 11. tr. 8. refol. 62. docuerunt retineri posse, usquedum corrigantur, dummodo non legantur. Hoc tamen nec asserte potest, nec practicari: cùm propositio ista, *Libri prohibitii, donec expurgentur, possunt re-*

tineri, usquedum, adhibitâ diligentia corrigan-
tur, damnata sit ab Alexandro VII.

Nec à retentionis pena excusat, qui 276
non intelligit librum, quem retinet: quia
equidem retinet, cum periculo saltem alio-
rum. Sylvius 2. 2. q. 11. a. 3. conclus.
6. idem censet de lectione libri scripti co-
idiomate, quod legens non intelligit. Quia
prohibitione non solum est ad vitandum pe-
riculum, sed & ad hæreticos detestationem.
Quia tamen lectio ejusmodi solum est ma-
terialis, non formalis, oppositum probabi-
liter tenet Suarez, & alii, dummodo non
legat coram aliis idioma intelligentibus. Qui
tamen auscultando lectionem prohibitam,
non incident in excommunicationem. Quia
auscultare, non est legere. Si qui tamen
jubeat famulum sibi librum hæreticum pre-
leggere, censuram incurrit: quia per famu-
lum legit. Et quod per alium facimus, per
nos facere censemur, regulâ 72. juris in 6^a.
Ita Azorius, Reginaldus, Sayrus, contra
Tamburinum, Bonacinam, & quoddam a-
lios.

An verò censuram incurrat qui, pro de-
terminato tempore, facultatem habens reti-
nendi, eo elapsò, retinet, quia licentia pro-
rogationem expectat? Franciscus Verde af-
firmat. Delbene negat, cumque ipso Lumb-
ierius noster, non sine probabilitate, si
dubium non sit prorogationem intra mo-
dicum tempus obtinendam. Pro tam mode-
lico namque intervallo tacita videtur adesse
licentia.

Quæritur etiam, an censuram incurrat P. 277
qui legit librum Authoris Catholici, in quo
de verbo ad verbum referuntur errores hæ-
reticorum, cum argumentis suis, prout sunt
in eorum libris? 2^a. qui legit librum Au-
thoris Catholici, in quo addita sunt Scholia
Authoris hæretici? 3^a. qui legit manuscrip-
tum Authoris hæretici? 4^a. qui legit brevem
scripturam ejusdem, orationem, concionem,
disputationem, vel epistolam typis manda-
tam de religione tractantem? 5^a. qui solum
libri proœmium, vel epistolam dedicatoriæ
legit? 6^a. qui solum aliquot lineas libri hæ-
retici legit?

Ad 1. respondeo negativè cum Navar- 278
ro in Manuali c. 27. n. 56. & Doctoribus
communiter. Quia talis liber non est Autho-
ris hæretici.

Ad 2. respondeo affirmativè, si Scholia 279
illa de religione tractent, eaque legantur.
Quia totum illud volumen duos continet
libros, quorum alter est Authoris hæretici,
de religione tractans, adeoque prohibitus
per Bullam Cœnæ. Ita P. Ocea disput. 5.
de virtutibus Theol. sect. 7. n. 99. contra
Navarrum, & Sylvium, aientes, talem non
incurrere excommunicationem Bullæ Cœnæ,
sed aliam non reservatam; eò quod
ex regula Indicis 4^a. & 8^a. constet, anno-
tationes, seu Scholia ejusmodi debere ex-

pungi, priusquam tales libri permittantur. Sed per hoc non enervatur, quod talis faciat contra prohibitionem Bullæ Cœnæ, *Excommunicamus quoscumque... hereticorum libros.... de religione tractantes... scienter legentes, &c.*

280 Ad 3. respondeo affirmativè, cum communi, contra Tamburinum. Quia per libros prohibitos intelliguntur tam manuscripti, quam impressi. Neque enim soli impressi veneunt nomine librorum; & Pontifices in prohibitionibus suis modo utuntur nomine librorum, modo scriptorum, ut videre est in regulis Indicis. Denique ratio prohibitionis, periculum utique lectio-
nis, æquè locum habet in manuscriptis, quam impressis.

281 Ad 4. respondeo affirmativè cum Suarez disput. 20. de fid. sect. 2. n. 10. contra Sanchez, Bonacinam, & Palauim. Tum quia majus plerūque periculum continent, quam liber grandior. Tum quia ipsæ etiam theses, stylo Romanæ Curiæ, hic vencunt nomine libri, seu libelli, ut constat ex numero proibitione quarundam thesim Lovaniensem, quæ libelli vocantur, id est parvi libri, tametsi usus in Belgio, Germania, Gallia, &c. obtinuerit, quod libelli isti, seu theses sine approbatione imprimi possint. Sed & usu SS. Patrum epistola subinde vocatur liber. Scriptum namque D. Cypriani de zelo, & labore, Hieronymus librum appellat, & Augustinus epistolam.

282 Ad 5. respondeo affirmativè cum Sanchez l. 2. Decal. c. 10. n. 30. Vgolino, & aliis passim, nisi materia levitas excusat. Quia prohibito libro, qualibet pars ipsius prohibita censetur.

283 Ad 6. similiter respondeo affirmativè, nisi materia sit levis. Si enim materia levitas non excusat à mortali peccato, nec excusat à censura. An vero detur hic materia levitas excusans à mortali peccato? sententia communior affirmit, quia non appetat peculiaris ratio, cur hic minus detur, quam in aliis materiis. Oxea negat, peculiarem assignans rationem, quia ex una parte, ratio communissima prohibitionis librorum hereticorum, est ob periculum subversionis, à quo nullus, nisi stultus, & superbus se alienum praesumit in materia tam lubrica, in qua Ecclesia ne ipsis quidem Episcopis, & Cardinalibus fit, sed eorum lectio omnibus generanter prohibetur. Ex alia parte, quando aliquis aperit librum ejusmodi ad legendum, per Ecclesiam prohibitionem admonitus de periculo, ignorat qua in pagina &c. in qua periodo, respectu sui, lateat istud periculum. Illud ergo in qualibet parte libri rationabiliter timere debet; cum lectio vel unius linea grave periculum generare possit; eò quod in una linea contineri possit antecedens, plurimas inferens consequentias pernicio-
sas, quæ tentationem gravissimam, & in-

de grave periculum excitare possunt. Jutifimè proinde Ecclesia potuit lectio-
nem cuiuscumque partis talis libri, sive entitative magnam, sive parvam, sub eadem censura graviter inhibere; idque fecisse censenda est, dum lectio indistinctè prohibuit, ob rationem, quæ lectio quamcumque graviter prohiberi exigit. Difficulter proinde hīc assignatur pars materialiter levis, quæ non fit formaliter gravis.

Difficulter quoque admisssā hic materia 284 levitate, materia illa designabit, deque differentibus circa eam Authorum senten-
tis judicium feretur. Dum enim Suarez pro materia parvitate designat duas vel tres li-
neas. Sayrus decem lineas. Azorius unum, vel alterum versiculum. Arriaga unum par-
vum folium. Sanchez unum magnum folium, seu paginam libri in folio: attentis præmissis, non pro ratione, sed pro arbitrio, sic statuunt: cum plerūque in tribus vel quatuor lineis, plures haereses contineantur, vel certè perniciosius antecedens aliquod, quam alias in grandiori pagina. Dumque Fagundez dicit, legentem minus quam magnum folium, non censerit legere librum hereticum, ratio ista ducit in præcipitum: cum inde consequens esset, dici posse (cum Chroufers) materiam parvam hīc esse eam libri partem, qua per se sumpta verè cen-
seri non possit nomine libri. Quam opinio-
nem Doctores merito rejiciunt, ut nimis laxam.

Haeretici vero aliam hīc contentionem 285 excitant, dicentes, Pontificem Romanum justè prohibere non potuisse libros ipsorum. Cum Ecclesia Deum imitari debeat, qui reliquit hominem in manu consilii sui, ut quod vult, faciat, & quos vult, libros legat. Interna quippe Dei unctio, seu inspiratio unumquemque docebit, qui libri sanam, qui perniciofam contineant doctrinam, juxta illud 1. Joan. 4. *Probate spiritus si ex Deo sint.* Et 1. Thessal. 5. *Omnia probate, quod bonum est tenete, sive (ut Augustinus legit 1. de nat. & grat. c. 39.) omnia legite, quæ bona sunt tenete.*

Sed imperita est contentio: si enim com-
municatio cum haereticis, tamquam perni-
ciofa, justè prohibetur, juxta illud Tit. 3.
hereticum hominem... devita. 2. Joan. *noli-
te recipere eum in domum, &c.*: ob eandem ra-
tionem justè prohibetur lectio librorum hereticorum: utpote æquè vel magis perniciofa,
quam conversatio dicta. Idque fundamentum
habet in Apostolica doctrina, secundum
quam libri noxii comburuntur. Acto 19.
*Muli ex eis, qui fuerant curiosi sectati, con-
tulerunt libros (ex Apostolica haud dubie
doctrina) & combusserunt coram omnibus.* Et
ideo Concilium Nicenum I. libros Arii juf-
fit comburi, & Constantinus poenam capi-
tis statuit in eos, qui libros illos occulta-
sent, ut videre est apud Socratem I. 1. c. 6.

Tom. II.

R. 2

& Nicephorum l. 8. c. 18. Deque concremandis Nestorii libris extat Edictum Valentiani & Martiani Imperat. in Concilio Calcedonensi act. 3. sicut & lex Theodosii & Valentiani in Concilio V. Constantinop.

287 Non sic ergo Deus reliquit hominem in manu confilii sui, ut nihil illi prohibeat. Et in hoc Deum imitatur Ecclesia. Probatio verò spirituum (de qua 1. Joan. 4. & 1. Thesal. 5.) non competit omnibus (neque enim Apostolus 1. Cor. 12. tribuit omnibus discretionem spirituum, sed aliquibus dumtaxat.) Probatio proinde illa facienda est ab iis, qui probare possunt (de quibus loquitur Augustinus) & principaliter à Romano Pontifice, cui Christus Dominus tradidit clavem scientiae rerum fidei, sensuimusque S. Scripturæ, & ab iis quibus id commiserit. Deinde probatio, de qua Apostolus, non habet locum in iis quæ ab Ecclesia reprobata sunt. Cum Ecclesiae contradicens, secundum Evangelium, haberet tamenquam *ethnicus & publicanus*.

288 *Aegerrime etiam ferunt haeretici, per Constitutionem Pii IV. non permitti omnibus lectionem Bibliorum in lingua vulgari, nisi de licentia Parochi, vel Confessarii. Id tamen Pius IV. prudentissimè statuit, non quod S. Scriptura aliquid mali contineat, sed quod in ea sint plurima difficultia intellectu, qua indolē & infibiles depravant.... ad suam ipsorum perditionem.* 2. Petri 3. Unde D. Hieronymus epist. ad Paul. conqueritur de eo, quod apud nostrates haereticos experimur, quod utique ea Scripturarum ars est, quam sibi passim vendicant: hanc garrulitanus, hanc delirus senex, hanc Sopista verbosus, hanc universi presumunt, lacerant, docent, antequam dicant.

In Gallia tamen, & Belgio, juxta Merchantium tribun. Sacr. tom. 2. tract. 2. sect. 4. Illustrissimum D. Herinx Episcopum Irenensem disput. 4. de Script. sacr. q. 3. & Bertrandum Loth resolut. Belg. tract. 13. a. 8. usus invalidit, ut Biblia vulgari idiomate à Laicis piis legi permittantur. Quod tamen Pastores, & Confessarii permittere non debent in versione corrupta, & non nisi iis, de quibus moraliter constat, quod non abutentur.

C A P U T X X I.

Prohibita cum haereticis communicatio, deque rebus fidei disputatio.

289 **O**mnis omnino cum haereticis communicatio olim prohibita fuit. Sed Martinus V. in Concilio Constantiensi statuit, illos dumtaxat vitandos, qui publicè denuntiati sunt haeretici. Periculosa tamen cum ipsis familiaritas jure naturæ cavenda est. Quia sermo haereticorum ut cancer serpit, & incautos imperceptibiliter inficit, maxi-

mè si soleant Catholicorum ritus irridere, doctrinam traducere, &c.

Nec licitum est haereticos, aliosvè infideles ad Missæ sacrificium admittere, juxta cap. Episcopus de consecrat. dist. Quin imò officiorum ordo ad hoc institutus est, ut ipsis à sacris nostris, præsertim à sacrificio Missæ excludant. Multis tamen in locis consuetudo ipsis admittit, etiam Romæ, ob fructum experientiæ probatum.

In sequentibus etiam casibus prohibita est cum Judæis communicatio. 1°. non licet cum ipsis, vel cum Saracenis habitare. 2°. nec Judæum aut Saracenum in medicum advocare. 3°. nec medicinam à Judæo recipere. 4°. nec agere obstetricem aut nutricem infantium Judæorum, in eorum dominibus. 5°. nec ipsis ad convivium invitare, nec accedere ad convivium ipsorum. 6°. nec azyma cum ipsis edere. 7°. nec ingredi cum ipsis in balneum. 8°. nec Judæos heredes, aut legatarios constituere. Omnia haec in variis Canonibus habentur tit. de Judæis. Et innovata sunt ab Alexandro III. in Concilio Lateranensi.

Disputatio denique cum haereticis ex condicione nemini licita est, nisi ex speciali licentia Sedis Apostolicæ, vel nisi fidei status eam exigere, periculumque effet in mora. Sic anno 1644. declaravit S. Congregatio de propaganda fide.

Alexander quoque IV. cap. quicunque de haereticis in 6°. statuit, ne cuiquam laicæ personas licet publicè, vel privatim, de fide Catholica disputare. Qui verò contrafecerit, excommunicationis laquo innotetur. Enimverò testis est experientia, disputationes cum haereticis, ut plurimum ad nihil valere, nisi ad subversionem audiendum, vixque unquam affulgere spem, haereticos disputatione convertendi. In locis tamen ubi est haereticorum frequentia, sicut in Germania, & Belgio, inhibitionem Alexander IV. contrario usu abrogatam censent Coninck, aliisque plures apud Beccum p. 2. c. 15. q. 7. Saltem Laicis doctis disputatione cum ipsis (iisdem in locis) per modum exercitii, consuetudine licita est; imò subinde necessaria ad compescendum haeticum fidei insultantem, &c.

Nec ipsi ramen, imò nec Clerici (quibus disputatio cum haereticis, non ex condicione, per sacros Canones prohibita non est) consultò haereticos aggredientur, nisi docti sint, & in controversiis versati; ne fidem cum scandalo pusillorum exponant haereticorum derisioni.

C A P U T X X I I.

Unumquemque in sua religione salvari posse, falsissimum est.

Istud utique (post Mahometum in Alcorano) suadere conatus est Antonius de